

Te provincie argentine di Santa Fe si cjate la citadine di Sunchales, che e je la capital mondial dal cooperativism.

"Culì, , dome il Comun e la parochie no son cooperativis, ma sindic e plevan a son cooperativisci!" al conte **Raúl Colombetti**, che al vuide une des plui grandis realtâts cooperativistichis de ciât, e al fâs la part di ambassadôr dal cooperativism in Argentine e tal mont, in particolâr ta chel sudamerican.

FÛC FURLAN

Chel che al è plui interessant, al è il fat che a impiâ il fûc cooperativistic a Sunchales, creant une visibil situazion di ricjece ben difondute in ducj i strâts sociai de citât, al è stât propi un furlan, **Juan Bautista Vicente Mitri**, nassût in Argentine tal 1881, ma di gjenitôrs furlans patocs: so pari, Jacum, al jere di Gjiân di Cividât; sô mari, Serafine, e jere di Zerà di Remanzâs.

Bisugne savê prin di dut che de idee di chest om, tirât su a polente e lavôr, intal 1929 e je nassude une cooperative, la SanCor, che vuê e labore doi milions di litris di lat in 16 stabiliments, par realizâ 150 prodots difarents. SanCor vuê al vûl dî 1.400 arlevadôrs socis, plui di 4 mil dipendents e di chescj 1.200 che a lavorin intal sit principâl di Sunchales, poiât suntun spazi di 400 etars, cun undis di lôr ciuvierts. Parcè le ano clamade SanCor? Parvie che Sunchales al sta scusat sul confin jenfri lis provincis di Santa Fe e di Córdoba. Ve alore lis primis letaris des dôs provincis che a formin il non de cooperative. Ma SanCor nol vûl dî nome lat, cognossût in 30 Païs amercans e no dome. Intal 1945 e je nassude la cooperative assi-

Viaç a Sunchales, capitâl Argentine dal cooperativism, indulà che **Juan Bautista Vicente Mitri**, tal 1929, al à fondât une des plui grandis realtâts dal Pais.

» DI FLAVIO VIDONI



La fabrice de SanCor fondade di Juan Bautista Vicente Mitri

La biele pensade di Mitri

curative SanCor Seguros, che vuê e je tra lis plui gruressis te Americhe dal Sud.

COOPERATIVIS PAR DUT

E chest nol è dut: a Sunchales e dulintor si pues dî che ogni attività economiche, des bancjs al cuvierç e de industrie al artesanât e je regolade sot forme di cooperative: parfin in tes scuelis la cooperative e je entrade a plen titul. Intune trentine di istitûts, da lis scuelis maternis a lis superiôrs, i arlêss a an dât vite a cooperativis di lavor e di consum imbinant i

programs dai studis cun activitâs di ogni gjenar, dal arlevament di piçulis bestiis aes coltivazions di orts, de produzion di mangjative ae difese dal ambient, de promozion sociâl ae promozion turistiche e ae informatiche, imparant cussì il socors mutuâl, la solidarietât, la responsabilitât, la democrazie, la avualance, la ecuitât, imparant a regolâsi inte aministratzion de robe, a cjapâ decisions ponderadis e condidudis, a presentâ lôr stes e i lôr compits te cooperative come professionists madûrs, ancie se a an sì e no dîs agns.

E a promovi, secondâ, judâ, corezi se al covente chestis realtâts, ver la Casa Cooperativa, ven a stâi la cooperative des cooperativis, che dal 1979 e je l'anime promotore da la cooperazion in dute l'Argentine e intai Païs confinants, la ambassadore de capital dal cooperativisin (como che Sunchales e je stade declarade di une leç statâl) e tant che la celebrin un elaborât monument che si jeve te jentrade de citât, dutun cu la Miss che culi e ven proclamade ducj i agns.



ilfriuli@ilfriuli.it

Euronews informa

Mittelfest, Provincie presinte cul spetacul "Colonie"

Domenie ai 19 di Lui aes 22 te glesie di S.Marie dai Batûts a Cividât

“Colonie” al è il titul dal spetacul teatrâl in lenghe furlane e italiane di leturis, musiche e bal/ bodypainting che al sarà proponut al public dal Mittelfest domenie ai 19 di Lui aes 22 te glesie di S.Marie dai Batûts a Cividât. La representazion di Loris Vescovo e Giorgio Olmoti che al ricuarde il svindic di Clauian tal 1945 fasint un confront cun altri fats compagnis succedûts pôcs agns prime in Etiopie, tal periodi dal colonialism italiano in Africa, li de glesie cristiane-copte di Debre Libanos, al è realizât de Associazion Mittelfest in colaborazion cu la Provincie di Udin. “O vin decidut di sostigni cheste produzion - al à spiegât il president Fontanini firmant il protocol di intese - par vie che e propon tescj e contigûts in lenghe furlane e conte vicendis dal nestri passât e des nestris comunitàs pôc cognossudis al public. Il valôr e la considerazion dal Mittelfest, festival di grant spessôr cun grant favôr di public, ancie forest, al rappresente pal sigûr il contest ideal par promovi la nostre identitat e lis nestris lidris cun prodoto teatrâl di nivel alt”.

Daspò di vê ringraciat il President de Provincie di Udin pe colaborazion impuantante, Federico Rossi al à ricardat cemût



che “chest proget al fâs part dal impegn dal Mittelfest di jessi un puest di scambi e incuintris europeans ma ancie ocasion par valorizâ il patrimoni linguistico e cultural dal Friûl, expression unique e special de Europe”.

Il spetacul al sarà presentat vinars ai 17 di Lui aes 21.00 a Clauian (Trivignan) propit devant de glesie dulà che a forin i fats contâts te narazion (iniziativa in colaborazion cu la

aministracion comunâl; a saran ancje intervents di storics). “O speîn - al à sotlineat Fabrizio Pitton, president dal Conseil provincial e compement dal cda di Mittelfest - che chest senari particolâr al devantedi ancie palc dal spetacul pal bagai storic, pes emozions e lis sugiestions che al impiârâ. Al è un bon imprest par ricordâ e par rifleti su lis problematicis e i conflits des “colonii” di vuê”.

Lis protagonistis de representazion a son dôs feminis che a ân vivût, midiant lis condit des lôr nonis, doi fats di sanc che a ân viodût i talians intun cás vitimis, in chel altri sassins. Claudia (Claudia Grimaz), in “Colonie”, e je une femme furlane di quarante agns, di Clauian. E je cressude scoltant storis di vuere e di violencis di todescs in Friûl. Abeba (Saba Angiana), e je de

Etiopie e lis storis di violence di vuere contadis de none a ân come protagonist l'esercit italiano. Abeba e rive propit in Italie par ciî lavôr. Lu cjate a Clauian, come badante di Rosa, la none di Claudia. Lis storis di Claudia e Abeba - e chés des lôr nonis - si cjatin propit devant de glesie di Clauian teatri dal svindic di bande dal esercit todesc.

